

**CÁTEDRA INSTITUCIONAL CRUZ ROJA ESPAÑOLA PARA LA MEJORA DE LA
CALIDAD DE VIDA DE LAS PERSONAS MAYORES**

**CONVOCATORIA DA II EDICIÓN PARA O CURSO 2022/2023 DO PREMIO A TRABALLOS FIN
DE GRAO E TRABALLOS FIN DE MÁSTER PARA A MELLORA DA
CALIDADE DE VIDA DAS PERSOAS MAIORES**

Por acordo do Consello de Goberno do ano 2015 a USC creou a Cátedra Institucional Cruz Roja Española para a Mellora da Calidade de Vida das Persoas Maiores que ten entre os seus obxectivos promover a docencia, a divulgación e a investigación no ámbito do estudo dos coidados e mellora da calidade de vida das persoas maiores e do envellecemento.

O reitor resolve convocar para o curso 2022/2023 a II Edición do PREMIO A TRABALLOS FIN DE GRAO E TRABALLOS FIN DE MÁSTER PARA A MELLORA DA CALIDADE DE VIDA DAS PERSOAS MAIORES coas seguintes

BASES DA CONVOCATORIA

1. Persoas destinatarias

Poderán presentarse a este premio todos/as os/as estudantes que teñan defendido o Traballo Fin de Grao ou Traballo Fin de Máster en Universidades públicas españolas no curso académico 2022/2023 no que se estuden ou analicen aspectos da calidade de vida ou do benestar en persoas adultas maiores (p. ex. saúde, economía, relacións e integración social), e que se defendesen ante unha comisión de avaliación e acadaran unha cualificación mínima de 8 puntos.

É condición inescusable para a aceptación de solicitude ao premio, que o TFG ou TFM non fose premiado con anterioridade en certames de institucións, fundacións ou cátedras nos que se premie a excelencia académica ou investigadora.

2. Premios

- Un premio de 300.-€ para TFG
- Un premio de 500.-€ para TFM
- Diploma acreditativo de accésit honorífico aos TFG e do TFM que acaden a puntuación inmediatamente anterior á obtido polo traballo gañador en cada modalidade.

De haber máis dun traballo gañador o importe do premio repartiríase en partes iguais.

No caso de que o xurado considere que ningún dos traballos presentados acaden un nivel axeitado podería declararse deserto.

Os premios financiaranse con cargo á partida orzamentaria da Cátedra nº 5064 4327 22900 para o exercicio 2023.

3. Solicitudes

As solicitudes presentarase a través do rexistro electrónico da USC e dirixiran a solicitude xeral á Vicerreitoría de Transformación Dixital e Innovación:

<https://sede.usc.es/sede/publica/personais/registroEntrada/acceso.htm>

indicando en asunto II Edición do PREMIO A TRABALLOS FIN DE GRAO E TRABALLOS FIN DE MÁSTER PARA A MELLORA DA CALIDADE DE VIDA DAS PERSOAS MAIORES, e acompañando a súa solicitude dos seguintes documentos:

- Un exemplar do TFG ou TFM en formato PDF. No caso de que o tamaño supere a capacidade permitida, deberá indicar un enlace ao repositorio que permita a súa descarga.
- Copia do DNI ou pasaporte (agás estudantes da USC)
- Certificación académica coa cualificación do TFM (agás estudantes da USC)
- Un resumo do traballo dun máximo de 1.500 palabras en galego, castelán ou inglés no caso de que o traballo non estea en ningún deses idiomas
- Autorización escrita de someter os traballos a programas antiplaxio (agás defensa do TFG ou TFM na USC)
- Declaración responsable de que o TFM non obtivo ningún premio anteriormente.

As persoas que non sexan quen de usar o rexistro electrónico poderán presentar a solicitude e documentación de xeito presencial na oficina de asistencia en materia de rexistros do Campus de Santiago de Compostela (Colexio San Xerome, Praza do Obradoiro s/n, 15782, Santiago de Compostela), na oficina de asistencia en materia de rexistros do Campus de Lugo (Biblioteca Intercentros, 27002 Lugo), ou naqueles lugares establecidos no artigo 16 da Lei 39/2015, de 1 de outubro, de procedemento administrativo común das administracións públicas.

Rematado o prazo de presentación de solicitudes publicarase unha lista provisoria de solicitantes admitidos/as e excluídos/as.

Os/as aspirantes excluídos/as, disporán dun prazo de cinco (5) días hábiles, contados a partir do día seguinte ao da publicación lista provisoria no taboleiro electrónico da USC, para poder emendar os defectos que motivaron a exclusión.

Rematado o prazo de presentación de reclamacións publicarase a lista definitiva de solicitantes admitidos/as e excluídos/as.

A participación na convocatoria implica necesariamente a aceptación do que se expón nestas bases.

4. Prazo

O prazo de presentación abrirase ao día seguinte da publicación desta convocatoria no taboleiro electrónico da USC e pecharase o **9 de Outubro de 2023**.

5. Xurado

O xurado do presente premio estará formado polo vicerreitor de Transformación Dixital e Innovación, o director e o co-director da Cátedra e, se se estima oportuno, dous asesores designados polo director da Cátedra.

O xurado aplicará os seguintes criterios de valoración:

- Actualidade e orixinalidade do traballo (20%)
- Achega significativa ao coñecemento da materia estudada (30%)
- Calidade da súa metodoloxía (30%)
- Calidades formais dos textos: calidade da redacción, xeito de presentar e estruturar a información e calidade do aparato gráfico, caso de existir (10%)
- Relevancia e actualidade das referencias bibliográficas (10%)

O fallo do xurado farase público, a través da correspondente resolución, no taboleiro electrónico da USC.

A dirección da Cátedra resérvase o dereito a publicar os traballos premiados, previa autorización do autor.

Contra a presente resolución, que esgota a vía administrativa, poderá interpoñerse recurso contencioso-administrativo perante o xulgado do contencioso-administrativo de Santiago de Compostela no prazo de dous meses a contar desde o día seguinte ao da súa publicación, de conformidade cos artigos 46 e 8.2.a) da Lei da xurisdición contencioso administrativa, aprobada por Lei 29/1998, do 13 de xullo.

Non obstante, os/as interesados/as poderán interpoñer recurso potestativo de reposición no

prazo dun mes ante o órgano que o ditou. Neste caso non se poderá interpoñer o recurso contencioso-administrativo anteriormente indicado en tanto non recaia resolución expresa ou presunta do recurso administrativo anteriormente indicado, ao abeiro dos artigos 123 e124 da lei 39/2015, de 1 de outubro, de procedemento administrativo común das administracións públicas.

Santiago de Compostela, na data de sinatura
Gumersindo Feijoo Costa
Vicerreitor de Transformación Dixital e Innovación
(por delegación de competencias, RR. do 21 de abril de 2022 e publicación no DOG do 26 de abril de 2022)

Documento asinado dixitalmente conforme a Lei 39/2015 de 1 de outubro, do procedemento administrativo común das administracións públicas (BOE nº 236 do 2 de outubro de 2015).

Sinatura dixital / Firma digital / Digital signature

Asinante/Firmante/Signer: GUMERSINDO FEIJOO COSTA, VICERREITOR DE TRANSFORMACION DIXITAL E INNOVACION, UNIVERSIDAD DE SANTIAGO DE COMPOSTELA, 24/02/2023 09:44:25.

CSV: B02D-09B4-4BB1-91D8